

Policija osigurava područje



Nove palete i najloni: Granate izbačene iz kamiona

AKCIJE

Nakon pronalaska 500 granata u okolini Tešnja

Mještani sumnjaju na šverc oružja

Kamion iz pravca Mekiša došao šumskim putem do jednog tranšeja i istresao granate, što pokazuju udubine i „poderana“ kosina

Nakon što je u petak na lokalitetu Trešnjev panj u općini Tešanj pronađeno 500 granata kalibra 84 milimetra za bezstrajni top, pripadnici MUP-a Zeničko-dobojskog kantona još nisu obavili uviđaj jer je područje minirano. Ova informacija potvrđena nam je u MUP-u ZDK i Državnoj agenciji za istrage i zaštitu (SIPA), uz najavu da bi uviđaj trebao biti obavljen sutra.

Višemjesečna istraga

Imajući u vidu da SIPA vodi višemjesečnu istragu u vezi s nelegalnim skladištenjem vojnog naoružanja u Tešnju, uviđaju će prisustvovati i inspektori SIPA-e. Ekipe su na terenu, ali dok se ne osiguraju uvjeti, neće biti izvršen uviđaj. Radi se o miniranom terenu pa će se prvo raditi na osiguranju mjesta - kazala je Kristina Jozić, policijska službenica SIPA-e.


Odbačene granate primijetio je jedan od mještana sela Mekiš, koje se nalazi na putu Tešanj - Teslić. Mještani su nam potvrdili da su Trešnjev



FERIZBEGOVIĆ:
Ništa sumnjivo

panj i Kruškova kosa bili kote Armije RBiH.

Utvrdeno je da je kamion iz pravca Mekiša došao šumskim putem do jednog tranšeja, koji se nalazi uz nizbrodu od nekoliko desetina metara. Bukvalno je istresen sadržaj kamiona, odnosno granate, što je vidljivo po udubinama i „poderanoj“ kosini



Trešnjev panj i Kruškova kosa su bile kote Armije RBiH

niz koju su se kotirjale granate - kazao nam je istražitelj uključen u ovaj slučaj.

Inače, špekulira se da se ne radi o granatama zaostalim iz proteklog rata, a čak se pojavila i sumnja da je riječ o švercu oružja. Osim granata, u što se uvjerila ekipa „Dnevnog avaza“, ostale su razbacane drvene palete na kojima su bile složene. Palete su bijele i potpuno nove, kao i PVC obloge kojima je svaka od granata bila obložena.

Rifat Ferizbegović iz Tešnja, vlasnik vikendice na Trešnjevom panju, kazao je za „Avaz“ da se na ovoj lokaciji preključer nalazilo tridesetak osoba.

Često sam tu. Berem gljive. Nismo primijetili ništa sumnjivo. Sada čujem da su pronađene granate na Crnom gavranu ispod Trešnjevog panja - kaže Ferizbegović.

Indikativno je i da su pr-

Nezakonite radnje

Policijski službenici MUP-a ZDK ne raspolažu bilo kakvim informacijama o osobama koje se mogu dovesti u vezu s naznačenim nezakonitim radnjama. Do osiguranja mje-

stale dvije sedmice specijalni SIPA-e, uz njihov inženjerski tim, na dijametralno suprotnom području općine Tešnja, u Piljužićima, tragali za sakrivenim granatama i oružjem.

Četiri lokacije

Bile su prekopane četiri lokacije, ali nije pronađeno ništa. Piljužići su tik uz Kaloševiče, gdje je početkom jula pronađeno nekoliko tona granata. U selu se pričalo da se „situacija nadgleda iz satelita“, da su se čuli zvuci he-

likoptera - kaže naš sagovornik iz Tešnja.

On tvrdi da je, vjerovatno, nervoza kod pojedinaca rezultirala „istresanjem“ mina na drugom kraju općine. Inače, po naredbi policijskog komesara ZDK Fahrudina Bećirovića, formiran je i štab koji će koordinirati sve aktivnosti u ovom području. U skladu s naredbom dežurnog kantonalnog tužioca, bit će uključeni i pripadnici Federalne uprave civilne zaštite i Kantonalne uprave civilne zaštite ZDK.

M. Č. - A. Dž. - A. Č. Z.



Granate za bezstrajni top